

歷代職官表

冊
七



京 盛 事 主 郎 外 員

史都尙并
令書省

嶺北
行中
書省
都事
檢校
照磨
寶鈔
戶部
京

事郎員郎四工南主外中司十刑南事郎員郎
主外中司部京事郎員郎三部京 主外中

五 部 筆 帖 式 司 庫 等 官

管
問

副大使使局副大使使庫各南司刑南領所典兵南提等龍工南舉司
使使所副大使使倉副大部京獄部京 提牧部京舉司江部京 提

珍
做
宋
版
印

奉 天 府 尹 府 丞

尹京北

長并
史州

刺并
史州

贊河
治南

尹河
南

少太少河
尹原尹南
少興少太
尹唐尹原

府太府太府河府河
尹原牧原尹南牧南
尹興尹河尹真尹太尹開
唐南定原封

少大少應少河
尹名尹天尹南
少諸守副諸
尹府留京

尹大尹應尹河事名知事天知事南知
名天南府大府應府司留諸
府南南府大府應府司留諸

少本守副諸尹本同事留同諸
尹府帶留京 府知帶守知京
留司留上
守副守都

府帶留京
尹本守京
守司留都

府應
丞天

府應
尹天

珍做宋版印

治 中 通 判 經 歷 司

河西南 曹錄參 河南軍 主簿功 河倉兵 司法戶 兵曹等 士軍 佐書

河南 應天 府司 錄戶 曹法 曹士 軍參

諸京 留守 司經 獄司 法知

上都 留守 府經 事都 磨兼 管勾

應天 府經 歷知 事照 磨檢 校

河南 通判 應天 推官

諸京 留守 判官

諸京 留守 判官

上都 留守 判官

應天 府經 應天 判官 府通 推官

官等縣知縣德承 授 教 學 儒

尉洛尉河丞洛丞河令洛令河
陽南陽南陽南陽南陽南陽南
簿縣晉太洛河縣晉太洛河縣晉太洛河
主陽原陽南丞陽原陽南令陽原陽南

教士學府太河
助博經原南

尉赤三主赤三令赤三
縣京簿縣京縣京

教府應河
助天南
助博諸
教士京

簿丞縣諸
尉主令京

典簿丞齊嚕縣開
史尉主尹嚕縣平
史簿丞縣縣江上
典主縣縣知寧元

錄正授學路開上
學學教儒平都
導授學府應
訓教儒天

珍做宋版印

盛京五部等官

國朝官制

盛京戶部侍郎一人

滿洲員額各部官屬並同凡盛京官品秩俱視京師

掌

盛京賦稅之出納及官莊旗地歲輸之數謹其儲積辨其支給以時稽核而會計之歲終則要其成以聽於在京戶部焉

盛京自

國初設有六部承政參政等官順治元年

世祖章皇帝定都燕京悉裁諸舊制官不備設以內大臣官鎮守戶禮刑工四

曹咸屬焉十五年復設禮部十六年復設戶部工部康熙元年復設刑部

皆置侍郎及其官屬三十年又設兵部侍郎於是五部之制始備五部舊

各設理事官一人康熙六十年省雍正八年設尙書一人以總五部尋罷

之

戶部經會司郎中一人員外郎一人主事一人糧儲司郎中一人員外郎一人主事二人農田司員外郎二人主事一人堂主事二人銀庫掌關防郎中一人員外郎一人司庫一人庫使八人掌官莊六品官二人筆帖式二十三人內倉正副監督各一人

分掌錢糧倉庫租稅徵收及關支存貯之政令順治十四年初置戶部滿洲郎中二人員外郎五人主事二人司庫二人筆帖式十有五人康熙二十九年增設員外郎四人筆帖式八人雍正五年增設漢人郎中一人員外郎二人主事二人乾隆三年改戶部滿洲員外郎一員爲銀庫員外郎八年省漢人員額又省滿洲員外郎四人增設滿洲主事二人堂主事二人
人初

盛京五部司屬皆以本地人員除授雍正五年

命在京各部掄員往補其本地人員皆撤回以京曹調用乾隆八年

詔以京員與本地人員參半除用十八年復

諭吏部定議用京員十之七本地人員十之三以歸平允焉

盛京禮部侍郎一人

掌

盛京祭祀朝會燕饗之儀式及園池果蔬畜牧之用咸辦其物而以供時薦

焉

禮部左司郎中一人員外郎二人右司郎中一人員外郎二人堂主事一人讀

祝官八人贊禮郎十有六人筆帖式十人管千丁六品官一人鳳凰城迎送朝

鮮官三人助教四人

分掌朝儀祀典職貢教習之事員額俱順治十四年定筆帖式初設十有

二人乾隆八年省二人又有牧務總管一人掌牧場乳牛以錦州副都統

兼管其屬有六品翼領一人七品牧長十有七人八品副牧長十有七人

牧副三十有四人副牧副三十有四人皆總轄於禮部焉

盛京兵部侍郎一人

掌

盛京武備及郵驛邊防之政

兵部左司郎中一人員外郎二人主事二人右司郎中一人員外郎二人主事

二人堂主事二人筆帖式十有二人驛站正副監督各一人驛丞二十九人

分掌駐防驛遞簡稽軍實之事員額俱康熙三十年定惟員外郎初置六

人乾隆八年省二人

盛京刑部侍郎一人

掌

盛京旗民之獄訟會奉天府共讞之邊外蒙古訟者會扎薩克副台吉共讞

之秋審則定其爰書以送在京刑部與各直省同

刑部肅紀前司郎中一人員外郎二人主事一人肅紀左司郎中一人員外郎

二人主事一人肅紀右司郎中一人員外郎一人主事三人肅紀後司郎中一

人員外郎一人主事一人堂主事二人

員外郎內置蒙古二人主事內置蒙古二人漢軍一人

筆帖式三

十人內蒙古二人 漢軍五人 贓罰庫司庫一人 庫使一人 司獄一人內漢人一人

分掌訊囚斷獄贓罰禁繫之事 郎中初置二人 康熙二十八年增二人 人員

外郎初置四人 康熙二十八年增四人 乾隆八年又增蒙古二人 省滿洲

四人 主事初置三人 乾隆八年增三人 又置堂主事二人 筆帖式初置十

有五人 康熙二十九年增十有四人 雍正五年又增五人 乾隆三十八年

以滿洲筆帖式一缺改爲司獄 又雍正五年置刑部漢人郎中一人 員外

郎二人 主事一人 乾隆八年省

盛京工部侍郎一人

掌

盛京營造工作製器物料及諸色工匠之屬 凡黃瓦廠 席廠 灰廠 缸廠 炸子

廠 木炭等壯丁 咸司其役籍焉

工部左司郎中一人 員外郎二人 主事二人 右司郎中一人 員外郎二人 主事

二人 堂主事二人 筆帖式十有七人內漢軍一人 銀庫司庫二人 庫使八人 管千丁

四品官一人管理燒造瓦料五品官一人管理匠役六品官一人看守

大政殿六品官二人

分掌營繕製造之事郎中員額順治十四年置員外郎初置六人乾隆八年省二人主事初置四人乾隆八年增二人又雍正五年置工部漢人郎中一人員外郎二人主事一人亦乾隆八年省又舊置有司匠一人乾隆二十九年省

盛京內務府鑲黃正黃正白三旗佐領各一人驍騎校一人營造司承管催總一人廣儲司承管司庫二人庫使十有六人兼領三旗織造庫催總三人掌儀司承管催總二人筆帖式三人廣寧承管催總一人都虞司承管催總二人筆帖式一人會計司承管催總二人筆帖式二人堂主事一人委署主事一人管理三庫內管領一人筆帖式十有五人三旗內管領一人掌領達一人倉達三人筆帖式三人

掌祇奉

三陵守護

宮殿凡營葺掃除之宜四時品物薦獻之禮咸共其事粟穀果蔬蠶蠶皮革之著於籍者則辨其數而納之以儲邦用皆佐領率其屬經理之而總其成於奉天將軍焉鑲黃旗正黃旗佐領順治三年置正白旗佐領順治八年置各驍騎校康熙十九年置營造掌儀都虞三司催總初各置一員乾隆二十九年各增一員會計司催總初置三員乾隆二十九年省一員廣儲司司庫初置三員後省一員庫使初置十員乾隆九年增六員堂主事內管領等員俱乾隆十九年以來先後增置

奉天府尹滿洲一人丞漢人一人

尹掌

留京治化與其禁令丞掌學校攷試以爲之貳

國初設遼陽府知府順治十四年改建奉天府置尹一人康熙三年增置丞一人乾隆三十年始以

盛京侍郎兼管奉天府尹事務皆由

特簡無常員

奉天府治中滿人一人通判滿洲一人

興京理事通判滿洲一人儒學教授漢人一人經歷司經歷漢人一人司獄司

司獄漢人一人

分掌府屬之政令治中通判康熙三年置

興京通判乾隆二十八年置教授經歷初皆屬遼陽府順治十四年改隸奉

天府旋設訓導一人後省司獄康熙七年置又初設有奉天府推官一人

康熙六年省

承德縣知縣滿洲一人典史漢人一人

職掌品秩與大興宛平二縣同員額俱康熙三年置舊有縣屬巨流河巡

檢一人乾隆四十二年省

歷代建置

三代

〔金履祥通鑑前編〕成王八年周公分正東都

〔尚書洛誥〕命公後〔蔡沈集傳〕成王留周公治洛謂之後者猶後世留

守留後之義

〔尚書序〕周公既沒命君陳分正東郊成周

〔鄭康成禮記注〕君陳周公子

〔杜佑通典〕成王命君陳分正東郊成周曰尹茲東郊蓋今河南牧之任

亦留守之始

〔尚書序〕康王作冊畢分居里成周郊〔孔安國傳〕分別民之居里異其

善惡成定東周郊境使有保護畢公代周公為太師為東伯命之代君陳

〔尚書畢命〕惟十有二年六月庚午肅越三日壬申王朝步自宗周至於

豐以成周之衆命畢公保釐東郊

謹案成王營洛邑為東都謂之成周此即後世陪京之制所自始成周

在鎬京之東八百里而商民所居又在成周王城之東二十五里稱為

下都說者謂尚書所稱東郊即指下都而言故王應麟以下都為保釐大臣所居然殷民密邇王室風聲所樹式訓非難保釐大臣自當仍在東都王城之中未必即與殷頑錯居於下都之地也至周公君陳畢公相繼分正東都皆以懿戚重臣膺治洛之任非僅後世守臣可比而據尚書尹茲東郊之文則陪京置尹實本於此故仍繫之於篇以著其朔云

秦未置

漢

〔後漢書百官志〕京兆尹左馮翊右扶風三人漢初都長安皆秩中二千石謂之三輔中興都雒陽更以河南郡為尹以三輔陵廟所在不改其號但減其秩

〔張衡西京賦〕封畿千里統以京尹〔李善注〕漢書曰內史周官武帝更

名京兆尹

謹案後漢以長安爲西京與東京對舉則卽如今之

盛京其云統以京尹則原西漢初制而後漢之末易尹名卽於此可證

〔三輔故事〕光武徙都洛陽太常卿一人別治長安主知祭事

〔東觀漢記〕光武中興都洛陽又於南陽置都

〔張衡南都賦〕陪京之南居漢之陽〔薛綜注〕南都在南陽光武舊里以置都

謹案東漢卜宅洛陽長安南陽雖並有西都南都之名而其制稍殊蓋長安爲舊京故仍屬司隸校尉所部而守臣亦不改尹名尙近後世陪京之制至南陽則守臣但爲太守與列郡無異其所謂南都者不過取邑有先君廟之義而已至長安別置太常卿以奉陵廟後漢書百官志不載僅見於三輔故事蓋如今

盛京之設禮部以奉

三陵也

三國 未置

晉 未置

宋齊梁陳 未置

謹案曹魏以譙郡許昌長安魏郡與洛陽並號五都而自河南以外其官號並同列郡江左諸朝亦並無別建陪京之制惟晉惠帝幸長安僕射荀藩等與其遺官在洛陽者爲留臺號曰東西臺然其時以故都無主承制行事乃一時權宜之計非定制也

北魏

〔魏書韓顯宗列傳〕顯宗上書曰春秋之義有宗廟曰都無則謂之邑此不刊之典也況北代宗廟在焉山陵託焉王業所基聖躬所載其爲神鄉福地蓋亦遠矣今便同之郡國臣竊不安愚謂代京宜建畿置尹一如故事崇本重舊以光萬葉高祖善之

謹案魏自孝文遷洛以後平城故都卽改爲列郡故官氏志所載官品

令大和初定者有代尹其續定者則但有河南尹而無代尹矣韓顯宗所言雖稱高祖善之當時實未舉行然攷肅宗本紀熙平二年十月詔曰北京根舊帝業所基云云是魏在洛京時平城亦嘗有北京之稱特其官號未備耳

北齊

〔北齊書孝昭帝本紀〕天保五年除并省尚書令乾明元年以長廣王湛錄并省尚書事〔後主本紀〕天統三年以并省尚書左僕射婁定遠爲尚書左僕射武平三年以并省吏部尚書高元海爲尚書右僕射〔元景安列傳〕判並省尚書右僕射〔源文宗列傳〕并省尚書隴西辛慤〔羊烈列傳〕遷并省比部郎中〔崔瞻列傳〕天保初兼并省吏部郎中〔文苑列傳〕并省主客郎中盧思道并省三公郎中劉珉并省右民郎高行恭〔隋書百官志〕後齊尚書省都令史八人

謹案北齊繼魏建都於鄴而晉陽實爲創業之地當時倚爲根本故特

置尚書省以莅其事隋書百官志雖未備載并省各官職名而以史傳參攷則有錄尚書事尚書令尚書左僕射尚書右僕射各部尚書及諸曹郎官規制略具明代南京並設六部其源蓋本於此至并州刺史雖無尹號而据白建傳稱晉陽國之下都每年臨幸徵召差科責成州郡本藩寮佐爰及守宰諮承陳請趨走無暇云云則其任亦極為要劇故多以尚書省長官兼領之如長廣王湛以并省錄尚書事領并州刺史是也見武成帝本紀又王晞傳載晞嘗為并州長史蓋晞本孝昭所親信故付以留司之任殆亦如今府丞之職歟

後周

〔後周書武帝本紀〕建德六年相并二總管各置官及六府官〔宣帝本紀〕大象元年二月詔起洛陽宮移相州六府於洛陽稱東京六府河陽幽相豫亳青保七總管受東京六府處分

〔隋書地理志〕河南郡洛陽有漢已來舊都後周置東京六府魏郡後周

曰相州置六府宣政初府移洛太原郡後州置并州六府後置總管廢府
〔隋書高祖本紀〕周太象二年以世子勇爲洛州總管東京小冢宰

謹案後周稱洛陽爲東京別置六府以總司留務蓋卽後世陪京六部
之比特史失其官制之詳不可復攷然觀楊勇以總管兼小冢宰則所
設當自小冢宰以下而不及六卿正如今

盛京五部之但設侍郎也至相并二州爲北齊舊都故亦各置六府以鎮
之然不立都名視東京又爲少異云

隋

〔隋書煬帝本紀〕仁壽四年十一月帝幸洛陽詔曰我有隋之始便欲創
茲懷維因機順動今也其時但成周墟堦弗堪葺宇今可於伊雒營建東
京設官分職以爲民極大業元年三月詔尙書令楊素納言楊達將作大
匠宇文愷營建東京徙豫州郭下居人以實之五年正月改東京爲東都

〔通典〕河南尹隋初爲洛州刺史復爲河南內史大業初爲荊河州刺史

又爲河南太守尋爲河南尹與京北同

〔唐六典〕隋文帝罷郡以州統縣改別駕治中爲長史司馬煬帝罷州置郡罷長史司馬置贊治後改爲丞又置通守以貳太守京北河南等爲內史○漢京北尹統長安令後漢河南尹統雒陽令魏晉以後皆因之隋初兩京置四縣京北大興長安河南下河南洛陽增秩爲正五品丞尉悉用他郡之人

〔隋書百官志〕河南尹正三品罷長史司馬置贊務即贊治唐人避諱改之一人以

貳之從四品次置東西曹掾從五品主簿司功倉戶兵法士曹等書佐改行參軍爲行書佐河南洛陽縣令並增爲正五品其後諸郡各加置通守一人位次太守河南則謂之內史又改縣尉爲縣正尋改正爲戶曹法曹分司河南洛陽則加置功曹而爲三司司各二人

謹案隋旣於洛陽置東郡又改太守爲河南尹於是規制始全同京北然並未別置尙書省蓋在京百司行幸則從故東京別無專署觀煬帝自東京幸江都以越王侗光祿大夫段達太府卿元文都檢校民部尙

書韋津等總留後事足知陪京衆務皆出一時簡任未嘗設有省僚也
又齊王暕傳暕於大業初爲豫州牧明年轉雍州牧尋徙河南尹是東
都初仿西都置牧以主府事其後罷州置郡改雍州牧爲京兆尹故豫
州牧亦並改爲河南尹耳

唐

〔舊唐書憲宗本紀〕元和六年十月以戶部尙書韓皋爲東都留守判東
都尙書省事〔穆宗本紀〕長慶二年二月以河東節度使司空平章事裴
度守司徒充東都留守判東都尙書省事七月以前義武節度使陳楚爲
東都留守判尙書省事〔敬宗本紀〕寶曆二年八月以太常卿崔從檢校
吏部尙書判東都尙書省事兼御史大夫東都留守〔文宗本紀〕大中十
一年六月以特進檢校司空杜悰判東都尙書省兼御史大夫充東都留
守

〔新唐書職官志〕御史臺東都留臺有中丞一人侍御史一人殿中侍御

史二人監察御史三人元和後不置中丞以待御史殿中侍御史監察御史主留臺務而三院御史亦不常備

〔陸游老學菴筆記〕唐人本謂御史在長安者為西臺言其雄劇以別分司東都事見劇談錄

〔唐六典〕兩京郊社署令各一人丞一人門僕八人齋郎一百一十人掌祠祀祈禱之禮武庫令兩京各一人丞一人監事一人掌藏天下之兵仗

兩京諸市署令各一人丞各一人掌百族交易之事北都軍器監監一人開元初令少府監置十六年移向北都少監一人丞二人主簿一人錄事一人掌繕造弓弩

之屬以時納於武庫

謹案唐六典稱東都百僚解署皆如京城之制而官不備設據舊唐書所載則常以留守兼判東都尚書省事蓋留司眾務不可無所統屬故特畀以綜理之任而別無僚屬則其間簡可知惟分司御史臺以有稽察之責故中丞以下獨設有定額觀元稹傳有稹為東臺監察御史攝

河南尹房式於臺擅令停務一事則爲是官者尙能自舉其職然其後亦不全設若兩京並置之郊社署令武庫令諸市署令等官則仍統於在京之太常衛尉太府諸寺並不別置長官也至史傳所載分司之官在東都者如李固言杜棕以太子太傅李聽以太子太保崔珙以太子少師李德裕裴休夏侯孜以太子少保李紳李珣以太子賓客田融以檢校刑部尙書韋貫之以太子詹事崔羣以祕書監盧行術王式以王傅李佐以王府長史王彥威以衛尉卿舒元輿以著作郎此類甚多然皆不過冗員散秩蓋本以廢罪黜及老病退閑之人或有田宅在東都者因假虛銜以示優禮如宋世祠祿之比其實並無官曹職事如嚴挺之請就醫京師以員外詹事詔歸東都蓋卽其例與明代之南京官又不相同矣

〔通典〕顯慶二年置東都改刺史爲長史而洛州本置牧一人以親王爲之多以長史理人開元元年改洛州爲河南府改長史爲尹其牧尹之制

一如京兆諸曹書佐亦如之開元以後增置太原府為北京官屬制置悉

同兩京

〔舊唐書職官志〕河南太原府牧各一員尹各一員少尹各二員司錄參

軍二人錄事四人功倉戶兵法士等六曹參軍事各二人參軍事六人執

刀十五人典獄十一人問事十二人白直二十四人經學博士一人助教

二人學生八十人醫藥博士一人助教二人學生二十人河南洛陽太原

晉陽謂之京縣令各一人丞二人主簿二人錄事二人佐二人史四人尉

六人司功佐三人史六人司倉佐四人史八人司戶佐五人史十人司兵佐三人史六人司法佐五人史十人司

士佐四人史八人典獄十四人問事八人白直十八人博士一人助教一人學生

五十人

謹案唐自開元以前車駕歲幸東都百司皆從唐書張嘉貞傳載嘉貞

為中書令帝數幸東都洛陽主簿王鈞為嘉貞繕第足知供億浩繁故

河南尹稱為劇任中葉以後東幸之禮久廢河南尹乃與列郡刺史無

異張延賞傳載大曆初延賞除河南尹輕徭賦疏河渠流庸歸附鄭珣
瑜傳亦載珣瑜爲河南尹賤斂貴發以便民時方伐蔡河南主餽餉百
姓不知僦運勞是其職固全主民事而兵柄則別屬之東都留守故河
南尹當如今之奉天府而留守則近於今之奉天將軍矣說別詳奉天將軍篇
唐代又以扶風爲鳳翔府蜀郡爲成都府蒲州爲河中府荊州爲江陵
府漢中爲興元府華州爲興德府陝州爲興唐府各置尹少尹等官蓋
以其曾經駐蹕及形勢扼要之地故特重其任與陪京之制不同今但

附見於此

〔趙璘因話錄〕王并州璠自河南尹拜右丞相除目纔到少尹侯繼有宴
以書邀之王判書後云新命雖聞舊銜尙在遽爲招命堪入笑林洛中以
爲話柄故事少尹與太尹遊宴禮隔雖除官亦須候正敕也

五季

〔舊五代史梁太祖本紀〕開平元年升汴州爲開封府建名東都以宣武

節度副使皇子友文為開封尹開封俊儀為赤縣

謹案唐自昭宗遷洛梁太祖以宣武節度遂移唐祚因建汴州為東都而凡郊天享廟必就洛陽行事是當時仍以洛陽為都城汴州特陪京之比後唐滅梁開封已降為州至晉天福三年復升汴州為東京其洛京改為西京於是始自洛定遷於汴而洛陽乃為陪京矣五季規模草略時代亦極短促本不足為典制今始並著於表以附見其一時之制云爾

〔舊五代史唐莊宗本紀〕同光元年以魏博節度判官王正言為禮部尚書行與唐尹以河東軍城都虞候孟知祥為太原尹充西京副留守以澤潞節度判官任圜為工部尚書兼真定尹充北京副留守〔李承勳列傳〕累遷至太原少尹〔盧程列傳〕任圜為與唐少尹

謹案冊府元龜載長興二年中書省奏稱本朝都長安以京兆府為上今都洛陽請以河南府為上其五府舊以鳳翔府為首河中成都江陵

興元爲次中興初升魏博爲興唐府鎮州爲真定府皆是創業興王之
地宜升在五府之上合爲七府是後唐以洛陽爲京都太原魏博以莊
宗創業之地真定以控制北邊升爲西京東京北京而鳳翔等各建府
名亦俱仍唐舊其尹及少尹皆以守臣兼之今並著其崖略於此然任
圜未嘗爲興唐少尹其爲少尹者乃圜弟團資治通鑑載盧程答興
唐史事作任團爲少尹
則薛史之誤而歐史亦仍之者也

〔舊五代史晉高祖本紀〕天福六年七月以前鄴都留守廣晉尹高行周
爲河南尹西都留守

〔舊五代史職官志〕梁開平元年四月始置建目院以博王友文判院事
以太祖在藩時四鎮所管兵車賦稅諸色課利案舊簿籍而主之五月中
書門下奏請以判建昌院事爲建昌宮使仍以東京太祖潛龍舊宅爲宮
二年二月以侍中原本有闕文据五代會要
以侍中韓建判建昌宮使判建昌宮事十月以尙書兵

部侍郎李皎爲建昌宮副使三年九月以門下侍郎平章事薛貽矩兼延

資庫使判建昌宮四年十二月以李振為建昌宮副使乾化二年五月以

門下侍郎平章事于兢兼延資庫使判建昌宮事六月廢建昌宮

謹案梁以四鎮賦稅課利舊籍別置建昌宮使以領之正如今

盛京內務府之比而宮使以外又命宰臣判其事則亦如今奉天將軍之

兼管內務府事也其官專司祭藏已別系之戶部三庫表內今仍互見

於此篇

宋

〔柯維騏宋史新編職官志〕河南府為西京應天府為南京設官略與開

封府同牧尹少尹不常除牧從二品尹從三品少尹從六品闕則置知府事一人通判一

人判官推官各一人其屬有司錄戶曹法曹士曹參軍士曹或蔭敘起家

不常置助教有特恩而授者不釐務使院牙職左右軍巡悉同開封開封府有

左右軍巡使判官各二人左右廂公事幹當官四人

〔盧多遜幸西京詔〕定鼎洛邑我之西都燔柴泰壇國之大事況削平江

表底定南方惟率土之混同自上天之鑒祐內慚涼德感是洪休得不罄以恭虔申其告謝睠惟京而西顧北陽位於南郊豆籩陳有楚之儀黍稷奉惟馨之薦朕今暫幸西京取四月內選日有事於園丘宜令有司各揚其職禮容儀衛典故在焉

謹案西京有園丘則宋時西南北三京特以西京爲重故幸西京詔擬諸定鼎洛邑西京屬官有左藏庫使蓋常有大事於西京故供用悉取諸左藏同於內省也

〔老學菴筆記〕本朝都汴謂洛陽爲西京亦置御史臺至爲散地以其在西京號西臺名同而實異也

〔宋史職官志〕政和三年資政殿大學士鄧洵武言河南應天大名府號陪京乞依開封制正尹少之名從之

慶曆二年升大名府爲北京

〔王闢之澠水燕談錄〕慶曆中北邊求關西地丞相呂文靖公召彭年討之

太子中舍于燾字彭年壽光人

彭年云宜治西北行宮若將親征者以壓其謀乃以大

名府爲北都

〔李元綱厚德錄〕張文節公知白初參知政事爲王欽若所排知南京吳節使元扈知河南值河溢督工壅塞民無墊溺

〔江休復隣幾雜志〕大名府學進士劉建侯與妻同殺人程琳尙書知府日殺之

〔謹案宋河南府應天府設官略與開封府同史稱牧尹少尹不常除闕則置知府事一人厚德錄及隣幾雜志所稱知河南知南京知大名府蓋卽職官志所云不常除者也

〔馬端臨文獻通攷〕宋制天子親征則命親王或大臣總留守事其西南北京留守各一人以知府事兼之

〔宋史新編職官志〕三京赤縣令正八品主簿尉俱正九品

〔謹案宋太祖以歸德節度使受禪故建宋州爲南京而洛陽以唐舊都大名以控制契丹建爲西北二京然牧尹皆不正除常以他官知府事

亦時以重臣作鎮如文彥博以太尉判河南府是也至其他規制皆與列郡無異南渡以後武林建業並建行宮武林視汴都建業視三都故建康知府亦帶有行宮留守之號然俱權時措置僅有虛名其規模益無足道矣

〔歐陽修王武恭公神道碑〕男次曰咸融西京左藏庫使

〔王安石馬正惠公神道碑〕改西京作坊副使遷西京作坊使

謹案宋史職官志有西京作坊東西染院使西京作坊東西染院禮賓副使使爲大夫副使爲郎與西京左藏庫使副使並設南北京不見此職蓋其規制視洛陽爲稍殺矣

遼

〔遼史百官志〕遼有五京上京爲皇都凡朝官京官皆有之餘四京隨宜設官爲制不一大抵西京多邊防官南京中京多財賦官○東京內省司東京大內不置宮嬪惟以內省司副判官守之○五京諸使職名東京戶

部使司中京度支使司南京三司使司南京轉運使司西京計司○五京留守司兼府尹職名某京留守行某府尹事某京副留守知某京留守事某府少尹同知某京留守事同簽某京留守事某京留守判官某京留守推官○五京學職名道宗清寧五年始設學養士助博士助教各一員上京學東京學中京學南京學亦曰南京太學太宗置聖宗統和十三年賜水磴莊一區西京學○中京文思院中京文思使馬人望父侄爲中京文思使○中京大內都部署司中京大內都部署中京大內副部署○南京宣徽院南京宣徽使知南京宣徽院使事知南京宣徽院事南京宣徽副使同知南京宣徽院事○南京栗園司典南京栗園

〔王圻續文獻通攷〕遼有五京聖宗時設東京中京南京宰相府各有左右相左右平章政事

謹案遼以上京爲皇都其中東西南四京皆當同陪京之制而聖宗以後三京各置宰相府以總其省事則亦如今

盛京設五部之比特其官職較崇耳至其他約略相近者如東京戶部使
中京度支使西京計司皆當如今

盛京戶部之職中京文思使當如今

盛京工部之職東京內省使中京大內都部署司南京宣徽院南京栗園
司當如今

盛京內務府之職而府尹之以留守兼領則又沿唐之舊制也

金

〔金史百官志〕諸京留守司留守一員正三品帶本府尹同知留守事一
員正四品帶同知本府尹副留守一員從四品帶本府少尹留守判官一
員從五品掌紀綱總府衆務推官一員從六品掌同府判分判刑案之事
上京兼管林木事司獄一員正八品知法女直漢人各一員南京漢人二
員○諸縣令一員從七品丞一員正九品主簿一員正九品尉一員正九
品在諸京倚郭者曰京縣自京縣而下以萬戶以上爲上三千戶以上爲

中不滿三千爲下○上京提舉皇城司提舉一員從六品同提舉一員從七品○南京提舉京城所提舉一員正七品同提舉一員從七品掌本京城壁及繕修等事不常置上京同此管勾一員正八品掌佐繕治受給官一員掌收支之事壕寨官一員掌監督修造○東京官苑使一員西京北京同○東京西京御容殿閣門各二員掌享祀禮數鋪陳祭器○東京萬寧宮小都監一員

謹案金都燕爲中京而以會寧爲上京遼陽爲東京大同爲西京大定爲北京汴梁爲南京其守臣皆以留守兼府尹之事然攷之金史列傳有稱會寧尹者有稱會寧少尹者有稱同知會寧府事者有稱同知會寧尹者皆不帶留守職銜疑或兼或否亦無一定又有稱判東京留守者則以官尊特異其文不爲常制蓋如今以

盛京侍郎兼奉天府尹也至上京爲太祖創業之地宗室國戚多在焉世宗時又屢徙諸明安穆昆以實上京其任最爲繁劇當必尙有官司以

治之而史所載惟大定二十五年以會寧府官一人兼太宗正丞以治宗室之政此外別無可攷見觀世宗本紀又有東京麴院都監一職而百官志亦不之及知其所漏闕者良多耳又諸京各官內如皇城司提舉京城所掌繕修之事當如今

盛京工部宮苑使御容殿閣門萬寧宮小都監掌宮殿苑囿之事當如今盛京內務府而諸京縣令品秩獨不得比於大興宛平則其制度亦較爲從減矣

元

〔元史百官志〕上都留守司品秩職掌如大都留守司而兼治民事車駕還大都則領上都諸倉庫之事留守六員正二品同知二員正三品副留守二員正四品判官二員正五品經歷二員都事四員照磨兼管勾一員令史四十四人譯史六人回回令史三人通事知印各二人宣使一十二人國初置開平府中統四年改上都路總管府至元三年又給留守司印

十九年併爲上都留守司兼本路都總管府其屬修內司秩從五品掌營

修內府之事大使一員副使三員直長三員祇應司秩從五品掌裝鑿油

染表藉之事大使一員副使二員直長三員器物局秩從五品掌造鐵器

內府營造釘線之事大使一員副使一員直長二員儀鑾局秩正五品大

使二員副使三員直長二員至大四年罷典設署改置爲局兵馬司秩正

四品指揮使三員副指揮使二員知事一員提控案牘一員警巡院秩正

六品達嚕噶齊解見戶部篇一員警巡使一員副使二員判官二員開平縣秩

正六品達嚕噶齊一員尹一員丞一員主簿一員尉一員典史一員入作

司品秩職掌悉與大都左右八作司同達嚕噶齊一員提領大使副使各

一員鑰廩司掌諸王駙馬使客飲食大使一員副使一員○嶺北等處行

中書省國初太祖定都於哈刺和林之西因名其城曰和林立元昌路中

統元年世祖遷都大興始置宣尉司都元帥府大德十一年改立和林等

處行中書省右丞相左丞相各一員至大四年省右丞相皇慶元年改嶺

北等處行中書省治和寧路統有北邊等處每省丞相一員平章二員右丞一員左丞一員參知政事

二員嶺北減一員郎中二員員外郎一員都事二員檢校照磨管勾各一員理問二員

〔元史地理志〕和寧路始名和林太祖十五年定河北諸郡建都於此前後五朝都焉世祖遷都大興和林置宣尉司都元帥府大德十一年立和林等處行中書省置和林總官府皇慶元年改和林路為和寧路

謹案元世祖始相宅於桓州東灤水北之龍岡建開平府後以闕廷所在加號上都歲一臨幸率以為常當時在京諸司從行者皆於上都別建官舍謂之上都分署其規制與大都無異惟上都留守司為守土之

官吏稱其職掌與大都留守司同攷大都留守司所掌為守衛宮闕都城調度本路供億諸務兼理營繕內府諸邸都宮原廟尚方車服殿廡供帳內苑花木及行幸湯沐宴游之所門禁關鑰啟閉之事而上都留守司以兼本路總管又治民事務所屬如兵馬司警巡院開平縣皆彈

壓京輦之事修內司祇應司器物局儀鑾局皆供奉內廷之事實兼有

今府尹及內務府之職而入作司掌營造又如今

盛京工部之事餼廩司掌供給朝貢入使則如今

盛京禮部之事蓋其職務繁劇故無所不統也至和林為元太祖創業舊

邦最稱重地元史明宗紀載至順元年監察御史言嶺北行省控制一

方廣輪萬里為太祖肇基之地國家根本繫焉者是也雖後代不立都

名而特設行中書省以總其事亦即今

盛京五部之比故並附著於表又攷馬祖常有上都學宮詩而百官志不

見開平建學之制案元制各路皆有儒學教授學正學錄等員統於總

管府上都留守司實兼總管府事則開平學官亦當屬於留守矣

明

〔明史職官志〕南京宗人府經一歷一司一經一人吏部尚書一人右侍郎一人司務一人

文選攷功驗封稽勳四清吏凡南京官六部攷察攷功掌之不由北吏部

戶部尚書一人右侍郎一人司務一人照磨一人十三司郎中十三人員外郎九人主事十七人所轄寶鈔提舉司提

舉一人廣儲庫承運庫贓罰庫甲乙丙丁戊五字庫寶鈔廣惠庫軍儲倉
各大使一人長安門倉東安門倉西安門倉北安門倉各副使一人龍江
鹽倉檢校批驗一人總督糧儲一人以戶部右侍郎加禮部尚書一人右侍郎
所各大使一人

一人司務一人儀制祠祭主客精膳四司各郎中一人儀制祠祭二司各主事一人所轄鑄印局副使一人兵部尚書參贊

機務一人右侍郎一人外郎二人主事五人所轄典牧所提領一人會同

館大勝關各大使一人成化二十三年始專以本部尚書參贊機務同內外守備官

操練軍馬撫卹人民禁戢盜賊振舉庶務故其職視五部為特重云刑部

尚書一人右侍郎一人三司務照磨各一人十三司郎中十人分掌南京諸司

及公侯伯五府京衛所刑名之事工部尚書一人右侍郎一人司務一人

都水屯田四司郎中四人員外郎二人主事八人所轄營繕所所正所副

所丞各一人龍江清江二提舉司各提舉一人文思院寶源局軍器局織

造所龍江抽分竹木局瓦屑都察院右都御史一人右副都御史一人右

僉都御史一人司務經歷都事照磨各一人司獄二人浙江等九道各御史二人福建等四

道各御史三人嘉靖後不全設道凡刷卷巡倉巡江巡城屯田印馬巡視

糧儲監收糧斛點閘軍士管理京營比驗軍器皆敘而差之清軍則偕兵

部兵科覈後湖黃冊則偕戶部戶科提督操江一人以副僉都御史為之領上下江防之事

通政使司通政使一人右通政一人右參議一人掌收呈狀付刑部大理審理經歷一人

寺卿一人右寺丞一人司務一人左右評事各一人詹事府主簿一人翰林院學士

一人不常置以翰林坊局國子監祭酒一人司業一人監丞一人典簿一人

六人學正五人學錄二人太常寺卿一人少卿一人典簿一人博士一人協律郎二人贊禮郎七人

司樂二人各祠祭署合奉祀八人祀丞七人光祿寺卿一人少卿一人典簿一人大官珍差良醞掌醢四署各置正一

一人署丞太僕寺卿一人少卿二人寺丞二人鴻臚寺卿一人主簿一人儀司賓二人署

各署丞一人鳴贊四人序班九人尚寶司卿一人吏戶禮兵刑工六科給事中六人又戶

科給事中一人管理後湖黃冊行人司左司副一人欽天監監正一人監

副一人主簿一人五官正一人五官靈臺郎太醫院院判一人吏目一人惠民藥局

生藥庫各五城兵馬司指揮各一人副指揮應天府府尹一人府丞一人

治中一人通判二人推官一人經歷知事照磨檢校各一人儒學教授一

人訓導六人所轄上元江寧二縣各知縣一人縣丞一人主簿一人典史

一人司獄一人織染局大使一人左右副使各一人
都稅司宣課司四稅課局二各大使一人副使或一人或二人
龍江關運所大使副使各一人批驗所大使一人
河泊所官一人龍江關石灰山關各大使一人副使
四人○南京官自永樂四年成祖往北京置行部尚書
備行在九卿印以從是時皇太子監國大小庶務悉
以委之惟封爵大辟除拜三品以上文武職則六科
都給事中以聞政本故在南也十八年官屬悉移而
北南京六部所存惟禮刑工三部各一侍郎在南之官
加南京字於職銜上仁宗時補設官屬除南京字正
統六年定制復如永樂時

謹案周公營洛本在王畿後漢京北南陽始有陪京
之號而設官置吏仍與列郡無異後周洛京與相并
二州同設六府亦不過行臺尚書省之比唐代始於
東都立尚書省御史臺及分司各官漸開冗濫之端
然猶未備建六官徧置省寺也明自永樂遷都南京
官吏已從減省其後仁宗復以北京爲行在南京各
部寺因悉補設如初迨正統既定都北

京南京官僚仍舊並置而實無職業可任於是投閑置散者則一切屏之於南京其為是官者亦率以養高自放不復事事其閒如吏部都察院尚有攷察之責則又借以行其私意遇有一事則紛紜論列與北京部院互相攻擊羣肆把持徒受冗官之弊於實政毫無裨補

國家以

盛京為肇基重地式循舊典備列班聯

聖聖相承以時損益五部侍郎靖共厥職各有專司曹郎則中外并用以釐眾

務仍總其成於在京各部奉天尹丞以下分猷布化庶績咸熙冗曠悉

除官常倍飭

陪京制度斟酌得宜實前代所莫及也

欽定歷代職官表卷四十九

欽定歷代職官表卷五十

總督巡撫表

總

州州
伯伯
牧牧

三代秦

州州
牧牧
州州
牧牧

漢
後漢

軍諸都州
事州督牧

三國
晉

刺軍諸都州校司
史事州督牧尉隸

刺軍諸都
史事州督

梁宋
陳齊

州臺大尙事諸一都事諸三都事諸府都
牧司行書 軍州督 軍州督 軍州督 軍州督

北魏

州臺大尙
牧司行書

北齊

督大管牧雍
都 總州

後周

書省行總
令尙臺管大

隋

略使節都管大牧
使經度督大總

唐

使節度

五季

略使節牧
使經度

宋

使節度

遼

使節總府總
度管都管

金

管齊魯府總平丞書行
總噶達管章相省中

元

總總
理督

明

督

歷代職官表

卷五十一

中華書局聚

撫

巡

州州
伯伯牧

持節
刺史
持節
刺史
持節
刺史
持節
刺史
持節
刺史
總管
刺史
總管
刺史

副經副節都總
使略使度督管

使安使節
撫 度
使節
度

使管管都同
度 總知
右左書行
丞丞省中

軍贊務督兼撫巡
務理軍軍提治撫

珍做宋版印

總督巡撫

國朝官制

總督 正二品加尚書銜從一品 直隸一人 駐保定府 江南江西一人 駐江寧府 福建浙江一人 駐福州府

北湖南一人 駐武昌府 四川一人 駐成都府 陝西甘肅一人 駐蘭州府 廣東廣西一人 駐肇慶府

南貴州一人 駐雲南府

掌綜治軍民統轄文武攷覈官吏修飭封疆直隸初設巡撫後加總督銜

後又改爲直隸總督仍管巡撫事又有三省總督駐大名府兼轄山東河

南又有宣大總督駐山西大同府以宣化府屬之後俱省兩江總督初兼

轄河南後定爲兩江總督轄江蘇安徽江西湖廣總督初爲川湖總督後

定爲湖廣總督轄湖北湖南四川初設巡撫後裁設總督兼管巡撫事陝

甘總督初兼轄四川改轄山西後定爲陝甘總督轄陝西甘肅雲貴總督

初兼轄廣西後定爲雲貴總督轄雲南貴州又河南初設河東總督轄河

南山東後省凡總督例兼都察院右都御史銜其應否兼兵部尚書銜由

吏部請

旨定奪

巡撫從二品加侍郎銜正二品直隸一人總督兼山東一人駐南府山西一人駐太原府河南一人駐開

封府江蘇一人駐蘇州府安徽一人駐慶府江西一人駐南昌府福建一人駐福州府浙江一人駐杭

州湖北一人駐武昌府湖南一人駐沙長府陝西一人駐西安府甘肅一人總督兼廣東一人駐廣

州廣西一人駐桂林府雲南一人駐雲南府貴州一人駐貴陽府

掌宣布

德意撫安齊民修明政刑興革利弊攷羣吏之治會總督以詔廢置三年大比

獻賢能之書則監臨之其武科則主考試直隸初設順天巡撫正保巡撫

宣府巡撫後併定為直隸巡撫江南初設廬鳳巡撫後定為安徽巡撫江

西初設南贛巡撫湖北初設鄖陽巡撫後俱省湖南初設偏沅巡撫後改

為湖南巡撫陝西初設延綏巡撫寧夏巡撫後俱省凡巡撫例兼都察院

右副都御史銜其應否兼兵部侍郎銜由吏部請

旨定奪

歷代建置

謹案總督巡撫其官俱肇置於明代明初命京官巡撫地方有軍事則命總督軍務因事而設事已旋罷原非為一定官稱其後各省俱有之且因事增置遂為定員然總督巡撫之名已見於南北朝晉書前秦載

記王二表曰總督戎機胡三省通鑑注曰總督戎機猶都督中外諸軍

事也魏書李崇傳北齊書斛律金傳周書文帝紀俱有總督字陳書蕭摩訶傳吳明徹曰吾為總督

必須身居其後亦謂為大都督後周書武帝紀建德二年詔皇太子贇

巡撫西土五年復遣巡撫西土此倣於左傳所謂從曰撫軍者也左傳宣十

二年王巡三軍拊而勉之杜豫訓拊為撫此巡撫二字所出也至唐高祖儀鳳元年遣大臣分道巡撫

以宰相來恆為河南道大使許元起為河北道大使左丞崔知悌司業

鄭祖元為江南道大使後又謂之存撫于慎行穀城山房筆塵以為巡

撫之名實起於此但其事任所屬由來已久蓋嘗由明而溯之自黃帝

立左右大監

宋書百官志
作立四監

監於萬國嗣是而四岳九牧八伯十二師俱

爲統率之職至周而二伯九采益爲明備漢分天下爲十三州後各置
牧蓋郡縣之歸管轄自此而始魏晉而後刺史特重類以將軍持節總
統諸郡非僅曩時刺舉之任迨隋開皇中廢郡爲州刺史專理一郡名
存職廢而總管都督節度使之號由斯著矣宋懲藩鎮之弊節度諸使
之除授特以優禮勳賢或爲武臣序進之階其州牧之任則自有閫帥
漕憲等官而制又一變元立行中書省明初因之後改爲十三布政司
後於布政司上又設巡撫總督則督撫者實當行中書省之任而與古
之牧伯侔矣又元於在京中書省之外分立行省以控治諸路天下郡
縣有直隸中書省者有隸諸行省者故諸路亦號爲省明既改布政司
則當稱某司若總督巡撫職同奉使帶部院堂二官銜又當稱行部或
行院而案牘相沿概稱爲省蓋亦沿元之舊至

本朝以督撫專制地方以布政按察二司爲之屬以佐其政治大小相維

名實始爲允稱明又有巡按御史原於秦之御史監郡後以與巡撫不相統屬文移亦多窒礙定巡撫爲都御史而所用巡按御史多新進喜事之人倚勢作威受賂不法或強與州縣之事舉錯任意爲弊尤甚我朝定制裁去以都御史副都御史爲督撫兼銜而事權始一矣至若唐之節度使官級崇重其勳績較著者率加平章事以寵之久則進兼侍中中書令而平章事之罷政出鎮者亦多帶舊銜以行宋以宰相出判大藩均謂之使相此則皆由一時特授而不爲常制我朝督臣之擢任大學士者間令仍管舊任以隆委寄其督撫所帶尙書侍郎銜之應加與否悉由部請

旨遵行規制周詳視前代之舛錯棼雜者綱維倍爲整肅謹以歷朝異同之故先爲撮敘於此以明綱領而建置沿革之本末則次第列具左方以資攷核焉

三代

〔羅泌路史夏后氏紀〕十國而有長長有師五長而一師師五十國州十有二師州有牧牧稟命於上京孔氏謂州有十二師爲三萬人非也此不過所謂承以大夫師長者商周之連率卒正也

〔春秋左氏傳〕昔夏之方有德也貢金九牧

謹案史記黃帝立左右大監監於萬國此正如殷周時天子之老所謂分天下以爲二伯者沈約謂刺史之職卽黃帝之四監非矣堯立八伯以典諸侯立四岳以稽八伯八伯卽九牧也禮記疏堯時有四伯堯之末分置八伯周禮疏案書傳云元祀巡守四岳八伯注云堯時以羲和爲六卿并掌方岳之事是爲四岳出則爲伯其後乃置八伯據此則四岳亦當賦政於外如召伯之巡行南國者歟州十二師卽十二牧此有虞之制而羅氏屬之夏后氏者蓋弼成五服禹所手定且當受命之初猶仍十二州之制其後乃制爲九牧爾

〔詩商頌〕相土烈烈〔鄭康成箋〕相土居夏后之世承契之業入爲王官

之伯出長諸侯〔孔穎達疏〕王肅云相土在夏爲司馬之職掌征伐

謹案相土以諸侯之長入爲王官伯此與四岳之出主諸侯者亦復不同其云相土爲司馬蓋文子淮南子俱有契爲堯司馬之文此云相土烈烈而箋云承契之業故本以爲說然相土以司馬而長諸侯則正如今之總督兼兵部尙書之比也

〔尙書盤庚〕邦伯師長〔孔安國傳〕國伯二伯及州牧也衆長公卿也

謹案益稷篇州十有二師鄭云師長也孔氏則云三萬人故此師亦訓衆疏順傳爲義因云衆官之長然開始卽云邦伯邦國之伯諸侯師長故爲東西二伯及九州之牧則亦不覺以師長屬邦國言之可知邦伯猶言邦君而師長則猶是虞夏時之十二師五長也

〔禮記王制〕千里之外設方伯五國以爲屬屬有長十國以爲連連有帥三十國以爲卒卒有正二百一十國以爲州州有伯

謹案王制殷制也鄭康成謂殷之州長曰伯虞夏及周皆曰牧孔穎達

則謂孔安國之意不然故於盤庚之邦伯云州牧也竊疑左右之二伯伯為定名而州長之伯例得通稱為牧故唐有九州則為八伯虞置十

二州即為十二牧楚辭亦云伯昌作牧若然則竹書紀年所云王季為

殷牧師者恐亦方伯之別名而非如周禮夏官之牧師僅掌牧地者矣

〔周禮天官〕牧以地為名〔鄭康成注〕〔春官宗伯〕八命作牧〔注〕

牧九命作伯〔注〕長諸侯為方伯

〔禮記曲禮〕九州之長曰牧〔明堂位〕九采之國〔鄭康成注〕九州之牧典貢職者

謹案虞有八伯殷制八州八伯故康成據周禮邦國建牧之文以為畿

內不置伯有鄉遂之吏主之此當如後世畿輔府州直隸京師之比然

今周禮鄉遂之職略不見有長畿內諸侯之事而秋官掌交則云九牧

之維書之周官則云以倡九牧史記亦云武王徵九牧之君即鄭於左

傳之五侯九伯固以為九州當有九牧則所謂畿內不置伯者疑亦就

八伯言之爾

〔尚書康誥〕孟侯〔孔穎達疏〕孟長也五侯之長謂方伯使康叔爲之長者卽州牧也

〔詩序旄丘〕責衛伯也〔鄭康成箋〕衛康叔之封爵稱侯今曰伯者時爲州伯也周之制使伯佐牧春秋傳曰五侯九伯侯爲牧也

謹案周制一州一牧二伯佐之此康成據左傳爲說也牧於外曰侯傳云五侯知是五牧鄭謂太公分陝而治當四侯半一侯不可分故言五侯說頗迂曲則服虔所云五侯公侯伯子男九伯九州之長者斯爲當矣然二伯佐一牧則正如今各省設有巡撫而總督或兼轄數省之例也

秦

謹案秦廢侯國爲郡縣而漢因之當時郡守皆卽今之知府其上雖有監御史而秩甚卑且無專治所與今督撫不同故郡事皆直達於天子然漢郡百餘而秦止四十郡專制尤廣且如會稽一郡幾當今之爲省

者三是雖爲郡守而且與今兼轄數省之總督侔矣故附識於此以見古今事勢之所由變革焉

漢

〔漢書百官公卿表〕武帝元封五年置部刺史成帝綏和元年更名牧哀帝建平二年復爲刺史元壽二年復爲牧

〔漢書朱博列傳〕初何武爲大司空與丞相方進共奏言古選諸侯賢者以爲州伯書曰咨十有二牧所以廣聰明燭幽隱也今部刺史居牧伯之位秉一州之統位下大夫而臨二千石失位次之序臣請罷刺史更置州牧以應古制奏可及博又奏請罷州牧置刺史如故奏可

謹案漢官典儀云刺史周行郡國以六條問事非條所問卽不省故刺史稱傳車其吏言從事居無常治吏不成臣而何武以爲居牧伯之位秉一州之統且謂刺史古之方伯一州表率蓋上所委任亦權勢所積至此然秩卑寵渥今之督撫固非其例故不著於表若夫州牧旣設其

時乃略無可紀之人蓋二千石位任尙重而其爲牧者亦僅循資自全者爾

〔後漢書光武帝本紀〕建武十八年罷州牧置刺史

謹案漢武帝初置部刺史成帝時改爲牧哀帝時復爲刺史後又爲牧經王莽變革建武元年復置牧至此改爲刺史而後漢書百官志第云成帝更爲牧建武十八年復爲刺史則徑似成帝改牧以後直至建武十八年而始復爲刺史者疏矣

〔後漢書劉焉列傳〕焉遷太常時四方兵寇焉以爲刺史威輕不能禁建議改置牧伯鎮安方夏請選重臣以居其任焉議得用出爲監軍使者領益州牧太僕黃琬爲豫州牧宗正劉虞爲幽州牧皆以本秩居職州任之重自此而始

謹案後漢州牧以本秩居職此正如明之總督巡撫不定爲品秩各以京官繫銜之例也

三國

〔三國蜀志諸葛亮列傳〕領益州牧〔馬超傳〕章武元年遷驃騎將軍領

涼州牧

謹案馬超領涼州牧此當為州牧遙領之始然馬超先據涼州時已自

稱征西將軍領并州牧矣

〔三國魏志文帝本紀〕黃初三年以荆揚江表八郡為荊州孫權領牧故

也

〔南齊書州郡志〕吳置持節督州牧八人

〔三國吳志陸抗列傳〕孫皓即位加鎮軍大將軍領益州牧鳳凰二年拜

大司馬荊州牧

謹案三國州牧一如漢末之制故著此數條以存其概

〔南齊書百官志〕魏晉世州牧隆重刺史任重者為使持節都督輕者為

持節督起漢順帝時御史中丞馮赦討九江賊督揚徐二州軍事而何徐

宋志云起魏武遣諸州將督軍王珪之職儀云起光武並非也

〔杜佑通典〕後漢光武建武初征伐四方始權置督軍御史事竟罷建安中魏武爲相始遣大將軍督軍而袁紹分統諸軍爲三都督魏武征孫權還又使夏侯惇督二十六軍文帝黃初三年始置都督諸州軍事或領刺史明帝太和四年司馬懿征蜀加號大都督高貴鄉公正元二年司馬昭都督中外諸軍事尋加大都督

謹案總督之名昉於古之都督南齊書以爲起漢順帝時杜佑通典以爲起光武及魏武爲相時然皆總理戎事爲用兵而設其都督諸州或兼領刺史實起於黃初三年蓋都督以治軍刺史以治民二者兼領而職任始重亦如今之督撫其理軍事也則有各標營咸稟節制其理民事也則府州縣胥歸統轄制頗相近但魏晉都督兼領刺史者止治其所駐之一州其餘則仍別置刺史所謂單車刺史俾專治民之責是兼理之中仍有分理之制故宋出廬陵王義真都督南豫豫雍司秦并六

州諸軍事而所制者仍南豫州也後魏以杜超都督冀定相三州諸軍

事叔孫建都督冀青等州諸軍事並見通鑑其制亦同此耳至後周改爲總

管而三都督之名亦相沿不廢隋始以爲散官都督之名遂微至唐復

設都督後漸易爲節度使亦兼領刺史而其任益專矣蓋都督之始末

如此今撮敘其概以便省覽焉

晉

〔司馬光資治通鑑〕太康元年以司隸所統郡置司州凡州十九詔曰漢

末刺史內親民事外領兵馬今天下爲一刺史分職皆如漢氏故事〔胡三省

注〕察舉郡縣長吏而已悉去州郡兵大郡置吏百人小郡五十人交州牧陶璜言州

兵未宜約損僕射山濤亦言不宜去州郡武備然其後刺史復兼兵民之

任州鎮愈重矣

謹案漢司隸校尉統三輔三河宏農七郡亦止專司察舉初以司隸官

屬制置如州儀故俗稱司州至晉乃以京輔所部定名置司州司隸校

尉統之而司隸校尉即爲州牧之任渡江以後以揚州刺史主京畿遂罷司隸不設而杜佑以爲罷司隸校尉置司州者誤也

〔通典〕晉都督諸軍爲上監諸軍次之督諸軍爲下使持節爲上持節次之假節爲下伐吳之役以賈充爲使持節假黃鉞大都督總統六師太康中都督知軍事刺史理人各用人也惠帝末乃并任非要州則單爲刺史江左以來都督諸軍尤重惟王導等權重者乃居之

謹案晉氏南遷以揚州爲京畿穀帛所資皆出焉以荆江爲重鎮甲兵所聚盡在焉三州戶口居江南之半自非親賢重望不居是職故荊州亦稱陝西而襄陽江夏彭城廣陵歷陽京口各置名州爲藩鎮重寄當時所謂要州蓋謂此也太康時分釐治軍治民之職不旋踵而仍併爲一蓋有不治軍之刺史而無不治民之都督江左尤重其任惟權位最隆者乃始居之亦時會使然也

〔通典〕自魏晉以後刺史多帶將軍開府州與府各置僚屬州官理民

別駕

治中以府官理戎長史司馬等官是

謹案魏晉以下幕府各有僚屬自別駕治中以下名號不一皆本州之佐官各有職掌自唐以郡守稱刺史而治中別駕遂為郡僚其節度使屬官則有判官推官書記支使之類至宋而閫帥漕憲又各有其屬官而唐節度之幕職反為列郡之佐僚矣今總督巡撫既不設掾屬而治中判官等員又各從其長以散見於他表茲並不復著而揭其大略於此後歷代不復敘列焉

宋齊梁陳

〔宋書百官志〕刺史每州各一人

〔通典〕宋有都督諸州諸軍事舊曰監某州諸軍文帝即位改監為都督刺史任重者為使持節都督輕者為持節皆銅印墨綬進賢兩梁冠絳朝服而領兵者武冠自魏以來庶姓為州而無將軍者謂之單車刺史凡單車刺史加督進一品都督進二品不論持節假節宋與魏同

〔隋書百官志〕梁官多同宋齊之舊州刺史二千石受拜之明日辭宮廟而行

北魏

〔魏書官氏志〕高祖詔羣僚議定百官著於令都督府州諸軍事從第一品上都督三州諸軍事第二品上司州刺史第二品中都督一州諸軍事從第二品下高祖復次職令司州牧從第二品上州刺史第三品中州刺史從第三品下州刺史第四品

謹案北魏刺史固卽魏晉以來州牧之任然唯都督軍事兼領者權寄特重而單州刺史秩亦稍替故卽南朝官制刺史亦有在第五品者至隋而刺史僅爲理一郡之官蓋積輕之勢然也

〔通典〕行臺省魏晉有之昔魏末晉文帝討諸葛誕散騎常侍裴秀尙書僕射陳泰黃門侍郎鍾會等以行臺從至晉永嘉四年東海王越帥衆許昌以行臺自隨是也

越請討石勒表以行臺自隨

及後魏謂之尙書大行臺別置官屬

後魏道武帝置中正行臺以秦王儀為尚書令以鎮之孝文帝永熙三年以宇文泰為大行臺以蘇綽為行臺度支尚書

謹案魏晉以後稱尚書省為中臺見吳諸葛恪傳亦稱為內臺見宋書百官志其隨所

管之道置於外州以行尚書事者則號之為行臺肇端於魏晉為專征討而設不為常制至後魏始開府置屬號為尚書大行臺於一路府州無所不統然亦以專主軍事也至後齊始理民事隋則設官尤眾謂之行臺省則兵農刑政盡歸統轄矣行臺專制一方實為今制府之職其官屬必以尚書僕射侍郎為職亦猶今督撫之兼兵部尚書及侍郎也至隋以省稱遂為元行中書省之所自始焉

北齊

〔通典〕北齊司州曰牧制州為上中下三等每等又持節諸軍事

〔通典〕後周改都督諸軍事為總管又有大都督帥都督都督

〔馬端臨文獻通考〕後周改都督諸軍事為總管武帝時以王謙為益州

總管總管之名始此

謹案周明帝紀武成元年正月改都督諸州軍事爲總管自是爲總管者安成公憲天水公廣尉遲綱尉遲迴卽見明帝紀蔡國公廣即天水公尉遲綱邵國會趙國公招杞國公亮衛國公直見於武帝紀俱在王謙爲總管之前馬氏云王謙爲總管總管之名始此非也

隋

〔通典〕隋雍州置牧餘州並置刺史亦同北齊九等之制總管刺史加使持節至開皇二年罷郡以州統縣自是刺史之名存而職廢

〔通典〕隋代三都督並以爲散官煬帝改大都督爲有中中下之差自上州至下州凡九等

〔隋書百官志〕後齊制官多循後魏行臺在今無之其官制令僕射其尙書丞郎皆隨權制而置員焉

〔通典〕北齊行臺兼統民事自辛術始焉武定八年辛術爲東南道行臺東徐州刺史郭志殺郡守文宣

聞之救術曰江淮初附百姓難向京師留卿爲行臺亦欲理邊民冤枉監理牧守自今以後所統十餘州地諸有犯法者刺史先啓聽報以下先理

後表齊代行臺兼總民事則自術始也

謹案行臺之制後魏志無文隋志僅存其大略攷齊文宣帝敕辛術之文則其統轄職掌均可概見矣通典又言江左無行臺惟梁末以侯景為河南王大行臺承制如鄧禹故事蓋梁特循襲北魏暫設此制不為常典也

後周

〔北周書盧辯列傳〕雍州牧九命戶三萬以上州刺史正八命戶二萬以上刺史八命戶一萬以上刺史正七命戶一萬以下刺史七命總管刺史加使校尉帥都督為旅帥都督為隊正至此則都督之名微矣

〔文獻通攷〕隋文帝以并益荆揚四州置大總管其餘總管府置於諸州列為上中下三等加使持節煬帝悉罷之

〔通典〕大行臺隋謂之行臺省有尚書令僕射左右各一人主事四人

攷功兼吏部主爵司勳禮部兼祠部主客膳部兵部兼職方駕部庫部刑部兼都官司門度支

兼倉部 金部工部屯部 兼水部 侍郎各一人每臺置食貨農圃武器百工監

副各置丞錄事等員蓋隨其所管之道置於外州以行尚書事

唐

〔新唐書百官志〕西都東都北都牧各一人從二品

〔通典〕唐諸州復有總管亦加號使持節武德五年以洛荆并幽交五州為大總管府七年改大總管府為大都督府總管府為都督府

〔新唐書百官志注〕武德初有行臺有大行臺其官有尚書省令掌管內軍民總判省事有僕射二人自左右丞以下諸司郎中略如京省

〔通典〕唐初亦置行臺貞觀以後廢

〔唐六典〕大都督府都督一人從二品長史一人從三品中都督府都督

一人正三品長史一人正五品上下都督府都督一人從三品長史一人

從五品上

謹案唐武德初邊要之地置總管以統軍加號使持節蓋漢刺史之任

其後改曰都督總十州者爲大都督後去大字凡都督府有刺史以下如故然大都督又兼刺史而不檢校州事其後都督加使持節則爲將諸將亦通以都督稱惟朔方猶稱大總管大都督皆親王遙領都督府之政以長史主之而節度使所治州有都督府者則領長史焉

〔謝維新合璧事類〕唐自武德至天寶以前邊防之制其軍城鎮守皆有使而道有大將一人曰大總管已而又曰大都督至太宗時行軍征討曰大總管在其本道曰大都督高宗永徽以後都督帶使持節者謂之節度使然猶未以名官景雲二年以賀拔延嗣充河西節度使自此接乎開元天寶之間朔方隴右河東河西諸鎮皆置節度使緣邊之地凡入節度外任之重無比焉至德以後中原刺史亦循其例受節度使之號若諸州在節度使內者皆節度焉

〔唐六典〕天下之節度使有八曰關中朔方節度使曰河東節度使曰河北幽州節度使曰河西節度使曰隴右節度使曰劍南節度使曰磧西節

度使曰嶺南節度使

〔舊唐書地理志〕至德之後刺史皆治軍戎遂有防禦團練制置之名要

衝大郡皆有節度之類或易以觀察之號東都畿汝防禦觀察使

領汝州東都留

守兼

河陽三城節度使宣武軍節度使義成軍節度使忠武軍節度使天

平軍節度使兗海節度使武寧軍節度使平盧軍節度使陝州節度使潼

關防禦鎮國軍使同州防禦長春宮使鳳翔節度使邠寧節度使涇原

節度使朔方節度使河中節度使昭義軍節度使河東節度使大同軍防

禦使魏博節度使義昌軍節度使成德軍節度使義武軍節度使幽州節

度使山南西道節度使山南東道節度使荆南節度使劍南西川節度使

東川節度使武昌軍節度使淮南節度使浙江西道節度使浙江東道節

度使福建觀察使宣州觀察使江南西道觀察使湖南觀察使黔中觀察

使嶺南東道節度使嶺南西道桂管經略觀察使邕管經略使容管經略

使安南都護節度使大中咸通之間隴右歸國又析置秦州節度使涼州

節度使瓜沙節度使

謹案舊志所列蓋據唐中葉言之至其後節度屢有增設或多賜軍號而觀察防禦亦多改爲節度使或并或析不可備書矣

〔新唐書百官志〕節度使副大使知節度事行軍司馬副使各一人同節度副使十人節度使掌總軍旅顓威賞初授具帑抹兵杖詣兵部辭見觀察使亦如之辭曰賜雙旌雙節行則建節樹六纛視事之日設禮案高尺有二寸方八尺判三案節度使判宰相觀察使判節度使團練使判觀察使罷秩則交廳以節度使印自隨留觀察使營田等印以郎官主之鑱節樓節堂以節院使主之其後有持節爲節度副大使知節事者正節度也諸王拜節度大使者皆留京師

謹案唐初遣大使十三人巡省天下諸州水旱則遣使有巡察安撫存撫之名後又置十道按察使各道一人後改曰十道按察採訪處置使後又曰採訪處置使後又兼黜陟使後定改曰觀察處置使攷唐之巡

察使察舉州縣再周而代乃後世巡按之比其安撫存撫宣撫諸使則固今巡撫之官所由昉也若觀察使類爲節度使兼職無節度之州亦特設之所司道俗宣風綱理郡縣正卽今巡撫兩司之職蓋觀察初爲按察雖非卽明之按察使然職分相近故唐書稱其豐稔爲上攷省刑爲中攷辦稅爲下攷而王圻續通攷亦謂明設按察司卽觀察之職後遂以觀察爲今守巡道之稱則指其副貳言之唐地理志雖與節度並列要不得卽指爲巡撫也又建中後行臺亦置節度諸使大率節度觀察皆兼所治州刺史云

〔唐會要〕貞觀二年邊州別置經略使至德二載賀蘭進明除五府經略兼節度使建中元年除元琇始不帶五府經略

謹案經略二字見於左傳至唐始以名官其以節度兼者則有副使永淳元年婁師德爲河源軍經略副使是也蓋唐制一道兵政屬之節度使民事屬之觀察使然節度多兼觀察兵甲財賦民俗之事無所不領

謂之都府又各道雖有度支營田招討經略等使然亦多以節度使兼之蓋使名雖多而主其事者每道一人而已

五季

〔五代史王處直列傳〕此中之法自將校為刺史升團練防禦而至節度

使

謹案節度使之專橫至五季而極冗濫又為特甚然遷進亦自有其序也故著之於此

宋

〔柯維騏宋史新編〕開封府牧從二品諸府牧九州牧同

〔宋史職官志〕節度使無所掌其事務悉歸本州亦無定員恩數與執政

同以待宗室近屬外戚國婿年老久次者若外任除殿帥始授此官亦止

於一員或有功勳顯著任帥守於外及前宰執拜者尤不輕授

〔王明清揮麈餘話〕節度州有三印節度印隨本使在闕則納於有司觀

察印則長吏用之州印則晝付錄事掌用至暮歸於長吏凡節度在鎮兵仗之屬則觀察屬官用本使印判狀田賦之屬則觀察屬官用本使印簽狀刺史屬縣則用州印本使判狀故命帥必曰某軍節度某州管內觀察等使某州刺史必具此三者言軍則專制兵旅言管內則專總察風俗言刺史則治其州軍此祖宗損益唐制軍兵之務職守之分俾各歸其實謹案唐節度觀察使俱帶本州刺史是以都府而兼治州事宋則以知州綜諸使務而節度觀察特爲兼判遙領之官則雖節度初除領院降麻禮數尤異已非復唐州鎮之任而此下如承宣觀察團練防禦刺史俱無職任特以爲武臣遷轉之次序而已

〔宋史職官志〕經略安撫司經略安撫使一人以直祕閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍

〔沈括夢溪筆談〕予爲鄜延經略使日新一廳謂之五司廳延州正廳乃

都督廳治延州事五司廳治鄜延路軍事如唐之使院也五司者經略安撫總管節度觀察也唐制方鎮皆帶節度觀察處置三使今節度之職觀察歸安撫司處置歸經略司

謹案宋制帥臣任河東陝西嶺南路職在綏御外藩則爲經略安撫使兼都總管以統制軍旅河北及近地則止爲安撫使蓋經略安撫使正如今總督兼巡撫之比而止爲安撫使者則如今巡撫之比也又宋有制置使或兼經略使或以安撫大使兼掌經畫邊鄙軍旅之事宣撫使掌宣布威靈撫綏邊境及統護將帥督視軍旅之事亦卽今總督巡撫之任然俱不常置故不著於表而附見於此又轉運使宋時稱爲漕帥凡一路邊防盜賊刑訟金穀按廉之任無所不總然其初所職止催科徵賦出納綱運數事而已茲故析入布政司表內而此亦不著云

遼

〔遼史百官志〕南面方州官某州某軍節度使

〔王圻續文獻通攷〕遼北面著帳郎君有節度使所掌非軍民事南面節度使設官甚衆遼二百餘年城郭相望田疇益闢冠以節度承以觀察防禦團練等使分以刺史縣令大略採用唐制其間宗室外戚大臣之家築城賜額謂之頭下州軍惟節度使朝廷命之後往往皆歸王府

金

〔金史百官志〕諸總管府謂府尹兼領者都總管一員正三品掌統諸城隍兵馬甲仗總判府事同知都總管一員從四品掌通判府事○諸鎮節度使一員從三品掌鎮撫諸軍防刺總判本鎮兵馬之事兼本州管內觀察使事其觀察使所掌並同府尹

一本志一府尹掌宣風導俗肅清所部

謹案金制州有三等其一曰節鎮州然特節制當州別無支屬蓋自宋太平興國初詔廢各鎮支郡後遂相循不改則所謂節鎮州者名沿唐舊而實與一道置使之制異矣

元

元〔元史百官志〕行中書省凡十秩從一品掌國庶務統郡縣鎮邊鄙與都督爲表裏國初有征伐之役分任軍民之事皆稱行省未有定制中統至元間始分立行中書省因事設官官不必備皆以省官出領其事其丞相皆以宰執行某處省事繫銜其後改爲某處行中書省凡錢糧兵甲屯種漕運軍國重事無不領之每省丞相一員從一品平章二員從一品右丞一員左丞一員正二品參知政事二員從二品甘肅嶺北各減一員丞相或置或不置尤慎於擇人故往往缺焉○河南江北等處行中書省○江浙等處行中書省○江西等處行中書省○湖廣等處行中書省○陝西等處行中書省○四州等處行中書省○遼陽等處行中書省○甘肅等處行中書省○嶺北等處行中書省○雲南等處行中書省○征東等處行中書省

謹案魏晉有行臺後魏謂之尙書大行臺別置官屬唐貞觀以後廢元設行中書省中或改行尙書省所承固有自也征東行省屢置屢廢故

云行中書省凡十實十一也又元至正時增置淮南江北等處行中書省後又續增福建山東廣西膠東諸處行中書省而各行省長貳亦多所添設俱一時之制故不備著

〔元史百官志〕諸路總管府上路達魯噶齊

解見戶部篇

總管各一員並正三

品下路秩從三品

〔續文獻通攷〕元都總管之職蓋節度使也所掌事各不同

謹案元亦有經略使至正十八年命經略使問民疾苦招諭寇盜蓋即前代宣諭招撫等使之比其與宋之經略使節制諸使者異矣

明

〔明史職官志〕總督漕運兼提督軍務巡撫鳳陽等處兼管河道一員總督薊遼保定等處軍務兼理糧餉一員總管宣大山西等處軍務兼理糧餉一員總督陝西三邊軍務一員總督兩廣軍務兼理糧餉帶管鹽法兼巡撫廣東地方一員總督四川陝西河南湖廣等處軍務一員總督浙江

福建江南兼制江西軍務一員總督陝西山西河南湖廣四川五省軍務一員總督鳳陽地方兼制河南湖廣軍務一員總督保定地方軍務一員總督河南湖廣軍務兼巡撫河南一員總督九江地方兼制江西湖廣軍務一員總督南直隸河南山東湖廣四川軍務一員總督河漕兼提督軍務一員

謹案總督漕運總理河漕二職今已析入漕運總督河道總督表內然明之總督漕運兼巡撫之職而總理河漕者實亦一總督也故並著之〔雷禮列卿記〕景泰三年命左都御史王翱總督兩廣事務自總兵以下悉聽節制然事平則歸非常設成化元年命韓雍總理軍務兼理巡撫久之雍請得文武大臣分理其事於是以陳濂撫廣東張鵬撫廣西而雍專理軍務五年御史龔成等言兩廣宜設總督兼巡撫乃起雍總督兼巡撫於梧州設總府巡撫復不設仍總於總督永爲定制

謹案韓雍總督兩廣此爲專設總督之始若正統六年征麓川以兵部

尙書王驥總督軍務景泰元年討叛苗以巡撫河南副都御史王來總督湖廣貴州軍務俱在王翱爲總督之先然皆因事而設非定制也明又有經略使不專設有兵事則暫敕行事嘉靖中以易州通州昌平州爲三輔各置經略使一員以文臣領之尋罷其後主邊事者多稱經略約如總督之職茲不復著

〔明史職官志〕總理糧儲提督軍務兼巡撫應天等府一員巡撫浙江等處地方兼提督軍務一員巡撫福建地方兼提督軍務一員巡撫順天等府地方兼整飭薊州等處邊備一員巡撫保定等府提督紫荆等關兼管河道一員巡撫河南等處地方兼管河道提督軍務一員巡撫遼東地方贊理軍務一員巡撫宣府地方贊理軍務一員巡撫大同地方贊理軍務一員巡撫延綏等處贊理軍務一員巡撫寧夏地方贊理軍務一員巡撫甘肅等處贊理軍務一員巡撫陝西地方贊理軍務一員巡撫四川等處地方兼提督軍務一員巡撫湖廣等處地方兼贊理軍務一員巡撫江西

地方兼理軍務一員巡撫南贛汀韶等處地方提督軍務一員巡撫廣東
地方兼贊理軍務一員巡撫廣西地方一員巡撫雲南兼建昌畢節等處
地方贊理軍務兼督川貴糧餉一員巡撫貴州兼督理湖北川東等處地
方提督軍務一員巡撫天津地方贊理軍務一員巡撫登萊地方贊理軍
務一員巡撫安廬地方贊理軍務一員巡撫淮揚地方贊理軍務一員巡
撫承天贊理軍務一員撫治鄖陽等處地方兼提督軍務一員贊理松潘
地方軍務一員

〔徐學聚國朝典彙〕永樂十九年命右都御史王彰巡撫河南時有告周
府將爲不軌者上欲及其未發討之彰曰以臣之愚可不煩兵但得御史
三四人隨臣以往足矣然須奉敕以臣巡撫其地乃可於是彰奉敕往巡
撫

謹案王彰奉敕爲有明設巡撫之始先是洪武二十四年遣皇太子巡
撫陝西蓋暫一行之非定制也宣德中以關中江南等處地大而要特

命官更代巡撫不復罷去後遂與總督同爲方面大臣當時巡撫兼軍務者加提督有總兵地方加贊理管糧餉者加總督兼理他如整飭邊關提督邊關及撫治流民總理河道等號皆因事特設並無定制觀明史所載其初所置巡撫如周忱于謙等亦未嘗不得其人自中葉以後督撫多用廷推率以營求得之又往往交結閹人爲其私黨以致擅作威福朘剋民膏卽名掛彈章者亦多置之不問甚者反加遷擢益無所顧忌惟事貪暴殃民而於國是邊防一切全不爲意漫成厲階積弛已甚我

國家損益前制大小綱維措置得宜封疆大吏職任崇而掄擇慎我

皇上勵精圖治宵旰勤求無時不以吏治民生爲念各督撫仰膺

寵寄祇奉

德音宣力分猷小廉大法其有勤恪夙著者則攷績優敘或

特賜宮銜以示寵勵如奉職不稱自蹈愆咎則或削其冠帶或貶其品秩仍

留原官以責後效甚或至營私翫法則立正憲典以示懲警

慶讓予奪咸稟

睿裁無不凜肅

朝章交相感勵洵為邳隆之極軌矣

欽定歷代職官表卷五十

正學學儒州 授教學儒府

郡文
學

祭酒
官

蜀典
從學
魏事
祭文
祭酒

蜀勸
從學
魏事
祭文
祭酒

儒林
祭酒

儒林
祭酒
祭酒
祭酒

儒林
祭酒
祭酒
祭酒

郡博
士

州博
士

郡博
士

州博
士

府文
學

州文
學

府教
授

州教
授

府博
士

州教
授

府教
授

府教
授

州學
正

府教
授

州學
正

珍傲宋版印

縣儒學教諭 府州縣儒學訓導

校學
經師

孝經
師

縣文
學

助教

縣學
縣博
長諭
士

助教

教諭
教諭

訓導
訓導

蘇 頌 藥 錄 補 遺 卷 之 一

一

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

蘇頌撰

學政

國朝官制

提督學政順天山東山西河南江蘇安徽江西福建浙江湖北湖南四川廣東

廣西雲南貴州各一人陝西甘肅一人以待郎京堂翰林科道部屬等官奉天

府一人以奉天府丞充福建臺灣府一人以臺灣道充

掌直省學校生徒攷課黜陟之事以歲科二試巡歷所屬府州進諸生而

掄文藝程品行升其賢者能者斥其不率教者凡興革事宜皆會督撫以

行之三年而代

國初各省並設督學道帶按察司僉事銜以各部郎中由進士出身者循資

擢用康熙二十三年御史張集疏請慎學政之選

詔下九卿詹事科道會議停論俸補授之例凡順天學政缺以待讀侍講諭德

洗馬等官簡用江南浙江學政以待讀侍講諭德洗馬中允贊善等官簡

用其餘各省學道將應陞之五部郎中及參議道知府等官選擇開列請

用嗣後不拘省分凡由翰林科道出者即為學院由部屬等官者則為學
道雍正四年定制各省督學皆改為學院其以部屬簡任者依出身甲第

各加翰林院編修檢討銜

各府廳等儒學教授正七品直隸十人山東十人山西十人河南九人江蘇八人

安徽八人江西十有三人福建十人浙江十有一人湖北九人湖南九人陝甘

十有六人四川十有二人廣東十人廣西十有一人雲南十有五人貴州十有

三人各州儒學學正正八品直隸二十有二人山東十有一人山西十有六人河

南十人江蘇六人安徽九人江西二人福建二人浙江一人湖北七人湖南七

人陝甘二十有三人四川十有八人廣東十人廣西十有六人雲南三十人貴

州十有四人各廳縣儒學教諭正八品直隸一百十有五人山東九十有一人山

西六十有一人河南九十有八人江蘇四十有六人安徽四十有八人江西七

十有五人福建五十有八人浙江七十有六人湖北五十有四人湖南五十有

七人陝甘六十有四人四川八十有六人廣東七十有三人廣西四十有二人

雲南三十有二人貴州三十有三人各府廳州縣等儒學訓導從八品直隸一百

四十人山東一百十人山西九十有五人河南一百五人江蘇五十有九人安徽六十有四人江西九十有一人福建七十有二人浙江八十有八人湖北七十人湖南七十有七人陝甘一百三十有四人四川一百二十人廣東九十有四人廣西六十有三人雲南七十有三人貴州六十人

各掌其學校生徒訓迪之事凡儒學官除江蘇安徽兩省通用外其餘例用本省人惟同府州者避不用初康熙三年裁各府州訓導又大縣裁訓導小縣裁教諭十五年均復設其後縣有析置者則訓導每移置所析縣而裁省之縣亦間存鄉學教諭或訓導焉

歷代建置

三代

〔禮記王制〕天子命之教然後爲學小學在公宮南之左大學在郊

〔詩小序〕泮水頌僖公能修泮宮也

謹案自契為司徒則教民始有專官周以司徒掌邦教而其制益詳其
時鄉大夫受教法於司徒頒之鄉吏使各以教其所治而諸侯之國亦
講學行禮以歲貢其太學之秀者天子試之射宮視其賢否以行慶讓
之法然則古者長民之官即教民之官而無俟別設其職茲故略著周
而時諸侯之學以志緣起而歷代之沿革則自漢以下乃始得而備論之

云

秦未置

漢

四人〔漢書平帝本紀〕元始三年立學官郡國曰學縣道邑侯國曰校校學置
中人經師一人鄉曰庠聚曰序庠序置孝經師一人一百二十人東
謹案漢循吏傳謂文翁修起學官於成都市中招下縣子弟以為學官
弟子至武帝時乃令天下郡國皆立學校官實自文翁始董仲舒傳亦
云復興學校之官自仲舒發之然則郡縣學校設官自武帝始矣元始

中於校學置經師於庠序置孝經師云經師則統諸經爲名云孝經師乃止業一經者蓋郡國設太學故置經師一人鄉聚小學故僅置孝經師攷隸釋載學師宋恩等題名有孝掾與易掾尙書掾詩掾春秋掾並列則孝掾乃孝經掾也其設官差等當爲今府州縣學諸職所託始矣

〔漢書韓延壽列傳〕令文學校官諸生皮弁執俎豆

〔王尊列傳〕尊師郡文學官（顏師古注）郡有文學官而尊事之以爲師也

謹案漢梅福雋不疑蓋寬饒諸葛豐張禹列傳皆云爲郡文學而匡衡以太常掌故調補平原文學後漢鄧禹亦云臣少嘗學問可郡文學蓋當時太常以博學名官郡學則以文學名官隸釋載劉熊碑陰題名有故郡文學李義亦其證也

〔漢書儒林列傳〕元帝好儒郡國置五經百石卒史

謹案郡國學官有掾有史卽五經百石卒史也鄭崇爲郡文學史後漢楊倫爲郡文學掾皆卽其職張納碑陰題名文學主事掾史各一人文

學掾二人史一人後漢書言百石皆由長自除不得比於下士然五經百石史各典一經與經師相羽翼視他曹小吏有別文翁選郡縣小吏開敏有材者張叔等十餘人遣詣京師受業博士知學官之中雖小吏可與博士之業然則郡國之五經百石史當近於是漢郡縣學校官吏不詳於史而金石遺文尙可補史志之闕故略著之

〔後漢書劉寬列傳〕典歷三郡每行縣輒引學官祭酒及處士諸生執經

對講

〔謹案隸釋載文翁學生題名碑有文學祭酒此學官祭酒其卽文學祭

酒歟中部碑又有校官祭酒任延爲武威太守造立校官校官卽學官

則校官祭酒當亦卽文學祭酒矣

〔常璩華陽國志〕文翁立文學精舍永初後太守陳留高眺更增造二石

室州奪郡文學爲州學郡更起文學

謹案漢以州統郡州有文學而郡又別設之則今制府各有儒學而附

府縣亦有儒學者實昉諸此也然不亦大品之嫌而與門學是等並縣

三國

〔三國蜀志尹默列傳〕先主定益州領牧以爲勸學從事譙周列傳丞相亮領益州牧命周爲勸學從事大將軍蔣琬領刺史徙爲典學從事總州之學者

謹案文翁學生題名碑有典學從事蜀設典學從事固漢法也勸學從事當在典學從事之下亦如今學政之下有教授學正等官也

〔三國魏志高柔列傳〕太祖撥亂之際並使郡縣立教學之官〔管輅列傳〕清河太守華表召爲文學掾冀州刺史裴徽辟爲文學從事

〔王應麟玉海〕魏樂祥爲河東文學祭酒

謹案管輅以文學掾辟爲文學從事則文學從事當卽勸學從事之類也

〔三國吳志孫瑜列傳〕領丹陽太守立學官臨饗講肄

晉

〔晉書熊遠列傳〕郡辟為文學掾〔孟嘉列傳〕庾亮領江州辟部廬陵從事轉勸學從事

〔宋書禮志〕晉征西將軍庾亮在武昌開置學官教曰今王道隆盛便處分安學校處所籌量起立講舍參佐大將子弟悉令入學吾家子弟亦令受業四府博學識義通涉文學經綸者建儒林祭酒使班同三署皆妙選邦彥以充此舉近臨川臨賀二郡並求修復學校可下聽之

謹案儒林祭酒當即漢之所謂文學祭酒學官祭酒校官祭酒也庾亮欲敦明庠序旋即廢罷其後尚書謝石又請班下州郡普修學校亦未見施行則所謂久廢之典卒難興復者江左之所以不振也

宋齊梁陳

〔杜佑通典〕宋職掌人孝經師

謹案宋有孝經師蓋仍襲漢制然不在九品之數而與門亭長等並稱

職掌人則其官微矣

〔南齊書豫章王嶷列傳〕爲南蠻校尉荆湘二州刺史於南蠻園東南開館立學置儒林參軍一人文學祭酒一人勸學從事二人〔王秀之列傳〕豫章王於荊州立學以秀之領儒林祭酒

謹案儒林參軍在文學祭酒之上疑如前代典學從事之比也

〔玉海〕梁元帝爲荊州起州學置儒林參軍勸學從事
謹案梁天監四年分遣博士祭酒到州郡立學而官品十八班內有揚南徐州文學從事南兗州文學從事荆河司益廣青五州文學從事北徐北兗梁交南梁五州文學從事越桂寧霍四州文學從事此皆文學之設於州者以漢制準之則州之文學當如郡之文學其名以從事或亦卽勸學從事之類歟

北魏

〔魏書高允列傳〕請制大郡立博士二人助教四人學生一百人次郡立

博士二人助教二人學生八十人中郡立博士一人助教二人學生六十人下郡立博士一人助教一人學生四十人

謹案魏天安初詔立鄉學郡置博士二人助教二人其後從高允所請乃更其制又魏官品從八品有司州文學據諸郡皆設博士助教而於司州仍襲漢文學之名則司州文學當如今京府教授也

北齊

〔北齊書儒林列傳〕齊制諸郡並立學置博士助教

〔隋書房暉遠列傳〕齊南陽王綽為定州刺史詔為博士

後周

〔周書薛慎列傳〕太祖於行臺省置學取丞郎及府佐德行明敏者充生

以慎為學師以知諸生課業

謹案周於行臺省置學其學生以丞郎及府佐充與歷代州郡立學之

制不同然亦一時之創制也附著於此

洛陽奉先太原晉陽博士一人助教一人學生五十人京北河南太原諸縣諸州上縣博士一人助教一人學生四十人諸州中縣博士一人助教一人學生二十五人諸州中下縣諸州下縣博士一人助教一人學生二十八博士專以經術教授諸生

〔新唐書百官志〕西都東都北都鳳翔成都河中江陵興元興德府文學一人從八品上掌以五經授諸生縣則州補州則授於吏部武德初置經學博士助教學生德宗卽位改博士曰文學元和六年廢中州下州文學京兆等三府助教二人學生八十人大都督上州各助教一人中都督府學生五十人下府下州各四十人

謹案漢郡國有文學北魏以下則爲博士助教之官唐德宗改博士曰文學蓋復其舊號故新志與六典所稱各異

〔新唐書百官志〕大都督府文學一人正八品下中都督府文學一人從八品上下都督府文學一人從八品下上州文學一人從八品下凡縣皆

有經學博士助教各一人京縣學生五十人畿縣四十人中縣以下各二十五人

謹案唐制凡學生隨府州之上中下爲多少而文學官品亦異蓋學生多則訓教廣少則殺焉故文學官亦因之爲高下也

〔新唐書選舉志〕縣學生州縣長官補長史主焉每歲仲冬州縣館監舉其成者送至尚書省

謹案唐州縣學生以長史主之蓋長史爲都督刺史之佐實領州縣之事故州縣學生並屬焉其不言諸文學者文學惟司訓教不關選補也然則唐之府州長史有如明提學副使僉事之比而亦令京府府丞充提督學政之比也

五季

〔馬端臨文獻通攷〕後唐天成三年宰臣兼判國子祭酒崔協奏請頒下諸道州府各置官學

宋

〔宋史職官志〕提舉學事司掌一路州縣學政歲巡所部以察師儒之優劣生員之勤惰而專刺舉之事崇寧二年置宣和三年罷

謹案自漢武帝時天下郡國皆立學校官嗣後頗相沿襲然多於郡邑設之未嘗於一路統設監司總郡邑諸學也唐李栖筠等之議請於十道大郡置太學館遣博士出外兼領郡官以教生徒與明制各省之設提學副使僉事者意已相近然其議不行宋元符二年初令諸州行三舍法諸路選監司一員提舉學校守貳董幹其事則提舉學事司之所自始矣宋選舉志謂貢士至太學試中上等或預升舍人多其本貫監司太守推賞有差所謂監司卽提舉學校官太守卽董幹其事者也文獻通攷載崇寧五年貢士至辟離不如令者凡三十有八人皆遣歸而提學官皆罰金蓋當時以貢士優劣定提學賞罰之格如令則賞不如令則罰也選舉志謂諸路選監司提舉學校在元符二年而職官志乃

崇寧二年置提舉學事司或元符二年始以監司提舉至崇寧二年乃專設提舉學事司歟又攷紹興十八年國子監參酌諸州軍如未差教授處卽令本路提舉司於本州有出身官選差一員兼領二十一年大理寺主簿丁仲京奏贍學田多爲勢侵佃望令提舉學官覺察旣而戶部請令提舉司置籍勾管慶元二年吏部尙書葉翥請令太學及州軍學各以月試合格前三名程文上御史臺攷察其有舊習不改則坐學官提學司之罪然則提舉學事司雖罷於宣和三年而其後仍復設之今制於各省設提督學政蓋昉乎此矣

〔王明清揮麈前錄〕政和中詔天下州縣官皆帶提舉管勾學事時姚麟以節度使守蔡州建言乞免繫階朝廷許之靖康初除去紹興中復增但改庶官爲主管尋降旨武臣帥守並免入銜

謹案州縣官皆帶提舉管勾學事蓋卽所謂守貳董幹其事者也其後諸縣學委知通於令佐內選有出身官一員兼領教導職事若州縣官

俱無出身只今本學長諭專主教導卻令知州縣令覺察點檢此武臣帥守所由俱免以提舉管勾學事繫銜歟

〔宋史職官志〕教授景祐四年詔藩鎮始立學他州勿聽慶曆四年詔諸路州軍監各令立學學者二百人以上許更置縣學自是州郡無不有學始置教授以經術行義訓導諸生掌其課試之事而糾正不如規者委運司及長史於幕職州縣內薦或本處舉人有德藝者充熙寧六年詔諸路學官委中書門下選差至是始命於朝廷元豐元年州府學官共五十三員諸路惟大郡有之軍監未盡置元祐元年詔齊廬宿常等州各置教授一員自是列郡各置教官建炎三年教授並罷紹興三年復置四十二州十二年詔無教授官州軍令吏部申尚書省選差二十六年詔並不許兼他職令提舉司常切遵守若試教官則始於元豐添差教授則始於政和謹案宋設教授爲今之教授所自始其以本處舉人充亦爲今學官皆用本省人所自始宋初有石鼓廬阜嶽麓睢陽四書院又有嵩陽書院

茅山書院各有師徒錫之經傳然未建州學乾興元年兗州守臣孫奭
私建學會聚生徒乞請太學助教楊光輔充本州講書從之此爲州鎮
立學之始其後令州若縣皆立學本道使者選部屬官爲教授員不足
取於鄉里宿學有道業者神宗初令中書採訪逐路有經術行誼者權
教授並選薦京朝官蓋學官選薦之重如此其後又詔諸州學官赴學
士院試而後選又有侍從臺諫國子長貳歲舉之制則今制學官由吏
部銓選由巡撫攷試與舉而兼試之制略同

〔李燾國史長編〕崇寧二年五月詔廣州漳州各添置教授一員六月詔
縣學生不及二十人處許依州學例并附近大縣一處教養給諸州州學
印三年六月江東路提舉學事司言諸州皆已置學惟廣德軍附宣州今
學者漸多乞自置學從之仍詔諸路州軍未曾置學處並置學

謹案宋元豐初大興學校而天下之教授止五十三員至崇寧中而天
下無不置學之州軍今之各府州縣盡設學官昉乎此也若縣學生不

及二十人處許附大縣一處教養則正如今之衛學鄉學繫於附近縣學爾

〔玉海〕大中祥符元年十一月幸曲阜縣謁文宣廟二年二月詔就廟立學舍

謹案魏黃初二年令魯郡修孔子廟又於其外廣爲室屋以居學者此爲就廟立學之始而教職官舍今亦卽附至聖廟蓋卽以所業之地規其居也又宋慶曆二年詔兩制舉官爲武學教授三年置武學於武成王廟以太常丞阮逸爲教授慶元五年詔諸州學置武士齋宮按武藝今制學政歲試校士兼及文武生員童生而習武之生童未嘗別立武教職以統之則文武並轄勝於一切紛紛之制矣

遼

〔王圻續文獻通攷〕遼南面黃龍府學官曰博士曰助教興中府學設官同縣亦設學有博士助教

〔遼史大公鼎列傳〕改良鄉令建孔子廟學部民服化

謹案遼以兵經略方內禮文之事視古多闕故略撫見於傳者以存其

概

金

〔金史百官志〕諸府教授一員諸節鎮教授一員諸防禦州教授一員

謹案金於大興府及東京北京上京河東東西路山東東西路等處並設女直教授一員其所職當與諸府教授不同附著於此

〔金史選舉志〕府學大定十六年置凡十七處共千人以嘗與廷試及宗室皇家袒免以上親并得解舉人爲之後增州學遂加以五品以上官曾任隨朝六品官之兄弟子孫餘官之兄弟子孫經府薦者同境內舉人試補三之一凡試補學生以提舉學校學官主之

謹案宋制學生以州縣官選補長史主之而金則以提舉學校及學官主之蓋既設提舉學校專官同於監司之任自不得僅以州縣選補又

別以長史主之也今制學政歲科二試取士此正如所云補試學生以
提舉學校官主之者然其試也必由縣府若州試乃與院試則亦兼參
宋代州縣選補之法焉

元

〔元史百官志〕儒學提舉司秩從五品各處行省所署之地皆置一司統
諸路府州縣學校祭祀教養錢糧之事及攷校進呈著述文字每司提舉
一員從五品副提舉一員從七品吏目一員司吏二人

謹案元於江浙湖廣江西三行省置蒙古提舉學校官提舉一員從五
品同提舉一員從七品蓋亦猶金大興府等處之設女直教授也

〔元史選舉志〕至元二十八年令江南諸路學及各縣學內設立小學選
老成之士教之其他先儒過化之地名賢經行之所與好事之家出錢粟
贍學者並立爲書院凡師儒之命於朝廷者曰教授路府上中州置之命
於禮部及行省及宣慰司者曰學正山長學錄教諭路州縣及書院置之

路設教授學正學錄各一員散府上中州設教授一員下州設學正一員
縣設教諭一員書院設山長一員凡路府州書院設直學以掌錢穀
謹案宋於州縣學官俱設教授至元又增設學正教諭則今制於府設
教授州設學正縣設教諭實始諸此第宋元以前州有上中下之分元
於下州設學正而上州中州則設教授以進擬於府與今制稍異也
〔陶宗儀輟耕錄〕凡學官朔望講說所屬上司官或省憲官至自教授學
官學暨學賓齋諭等皆講說一書錢伯全作訓導時行刑官至講欽哉欽
哉惟刑之恤哉講畢稱賞不已

謹案漢何武爲刺史行部必先卽學官見諸生試其誦論問以得失如
今制凡學政及各上司官蒞學則學官弟子每講說一書其制實昉乎
此且據輟耕錄所載則元之學官已有所謂訓導者而元史百官志無
其文疏漏甚矣

明

〔明史職官志〕都察院十三道監察御史提督學校兩京各一人萬曆末南京增設一人○按察司副使僉事提督學道十三布政司各一員惟湖廣二員

謹案明制兩京督學以御史蓋兩京不設按察司故以御史督學兼重其選所以尊京畿則今制各省學政多以京官簡充實本諸此

〔明史職官志〕儒學府教授一人從九品訓導四人州學正一人訓導三人

縣教諭一人訓導二人教授學正教諭掌教誨所屬生員訓導佐之凡生

員廩膳增廣府學四十人州學三十人縣學二十人附學生無定數儒學

官月課士子之藝業而獎勵之凡學政遵臥碑咸聽於提學憲臣提調府

聽於府州聽於州縣聽於縣其殿最視鄉舉之有無多寡明初置儒學提

舉司洪武二年詔天下府州縣皆立學十三年改各州學正為未入流是先

從九品二十四年定儒學訓導位雜職上三十一年詔天下學官改授旁郡

州縣正統元年始設提督學校官又有都司儒學行都司儒學衛儒學以

教武臣子弟俱設教授一人訓導二人河東又設都轉運司儒學制如府
其後宣慰安撫等土官俱設儒學

謹案明制生員入學初由巡撫御史布按兩司及府州縣官正統元年
始特設提學官景泰元年罷天順六年復設各賜敕諭十六條俾奉行
之直省既設提學有所轄太廣及地最僻遠歲行巡所不能及者乃酌
其宜口外及各都司衛所土官以屬分巡道員直隸廬鳳淮陽滁徐和
以屬江北巡按湖廣衡永郴以屬湖南道辰靖以屬辰沅道廣東瓊州
以屬海南道甘肅衛所以屬巡按御史亦皆專敕行事萬曆四十一年
南直隸分上下江湖廣分南北始各增提學一員提學之職專督學校
不理刑名所受詞訟重者送按察司輕者發有司直隸則轉送巡按御
史督撫巡按及布按二司亦不許侵提學職事也又明初優禮師儒教
官或擢給事御史然鉗束亦甚謹初教官攷滿兼覈其歲貢生員之數
後以歲貢爲學校常例乃定學官攷課法專以科舉爲殿最九年任滿

核其中式舉人府九人州六人縣三人者爲最其教官又攷通經卽與陞遷舉人少者爲平等卽攷通經亦不遷舉人至少及全無者爲殿又攷不通經則黜降生員之數初定府學四十人州縣以次減其十未幾卽命增廣不拘額數宣德中定增廣之額土官子弟許入附近儒學無定額諸生上者中式次者廩生年久充貢或選拔爲貢生提舉官歲試校文之外令教官舉諸生行優劣者一二人賞黜之以爲勸懲此其大較也然明之提學官旣帶按察司銜卽不得不少屈於督撫往往阿附遷就不能自舉其職而爲學官者又多取諸歲貢之士大率闕冗疲老無以爲諸生表率以致鼓篋之徒把持上官侵噬百姓聚黨成羣投牒呼譟論者徒歸咎於養士之不精而不原於制法之未善則亦非爲通論也我

朝右文重道超軼前古各省學政俱以京官簡任我

皇上復加意整飭凡學政受事必

訓諭諄至期以端士習而正文體至若銓授教職必令督撫親加攷驗列等第以別用舍而學政巡歷所至又攷其文藝師範黜其不稱職者記曰師道立而善人多又非獨

文治光昌而已也

欽定歷代職官表卷五十一